



প্রতিরক্ষামন্ত্রক

রাশিয়ার ভ্লাদিভস্তকে সমাপ্ত হলো যৌথ সেনা-মহড়া 'ইন্দ্র-২০১৭' ভারত-রুশ সৈন্য মহড়া 'ইন্দ্র-২০১৭'

Posted On: 31 OCT 2017 2:16PM by PIB Kolkata

রাশিয়ার ভ্লাদিভস্তকে সন্ত্রাসবাদ বিরোধী অভিযানের ১১ দিনের যৌথ প্রশিক্ষণের পর রবিবার শেষ হলো ভারত-রুশ সৈন্য মহড়া 'ইন্দ্র-২০১৭'।

তীব্র ও কঠোর সৈন্য প্রশিক্ষণের পর এক সমাপ্তি অনুষ্ঠানের মধ্য দিয়ে এই সংযুক্ত মহড়া সমাপ্ত হয়েছে। যেখানে দুই দেশের সৈন্যরা নিজেদের অনন্য ঐতিহ্যের ছোঁয়ায় নিজেদের প্রতিভার প্রদর্শন করেছে। ভ্লাদিভস্তকে আয়োজিত এই সমাপ্তি অনুষ্ঠানে দুই দেশের জওয়ান, উচ্চপদস্থ আধিকারিক এবং অন্যান্য গণ্যমান্য অতিথিগণও উপস্থিত ছিলেন। যাদের মধ্যে রাশিয়ায় নিযুক্ত ভারতের রাষ্ট্রদূত শ্রী পঙ্কজ সরনও উপস্থিত ছিলেন। মহড়ার সময় ভারত ও রাশিয়ার জওয়ানদের উৎকৃষ্ট প্রদর্শনের জন্য এই অনুষ্ঠানে মেডেলও প্রদান করা হয়। ভারতীয় ও রাশিয়ার বায়ুসেনারা যুদ্ধ-বিমান ও হেলিকপ্টার উড়ানোর প্রদর্শনীকরে, যেখানে ভারতীয় বায়ুসেনার আই.এল.-৭৬ বিমান ছিল।

১৯ অক্টোবর শুরু হওয়া এই যৌথ সামরিক অভিযানে দুই দেশ সন্ত্রাসবাদের মোকাবিলার ক্ষেত্রেই দৃষ্টি নিবদ্ধ করেছে। সংযুক্ত রাষ্ট্রসংঘের সনদের অধীনে সন্ত্রাসবাদ ও জঙ্গিবাদের মোকাবিলার জন্যই এই যৌথ মহড়া। এই অভিযান দুই দেশের সৈন্যদের মধ্যে সাংস্কৃতিক বোঝাপড়া, অভিজ্ঞতার আদানপ্রদান এবং নিজেদের মধ্যে বিশ্বাস ও সহযোগিতাকে আরও শক্তিশালী করার এক সুযোগও প্রদান করেছে। দুই দেশের সেনা জওয়ানই এই মহড়ায় বিশেষ সন্তুষ্টি প্রকাশ করেছে।

(Release ID: 1507561) Visitor Counter : 3

Background release reference

ভারত-রুশ সৈন্য মহড়া 'ইন্দ্র-২০১৭'

